

南
州
草
堂
集

南州草堂集卷六目錄

古今體詩

應 詔入都呈司農公二首

上學士陳說巖先生二首

哭葉元禮舍人和棠邨公韻二首

九日同晉江黃俞邵會稽羅弘載牂牁江辰

六黃山江夢得黑窰廠登高歸飲夢得寓

齋同賦

刺梅園古松

送范廉夫之岳州軍前

席上送謝方山司寇假歸遷葬五首

送宋牧仲比部榷關贛州

送黃俞邵聞訃歸白門

壽益都相公四首

總憲魏環極先生召飲席上賦呈

書司農公冊子二十韻

送人之任安邑

贈高澹人二首

送人佐邾之黃州

花朝前一日曹正子招同李天生孫豹人鄧
孝威尤悔菴彭羨門李吧瞻陳其年汪舟
次奉鋤鬯李武曾王仲昭陸冰脩沈融谷

陸雲士楊六謙李渭清顧赤方吳天章潘
次耕董蒼水田髡淵吳星若諸君讌集園
亭二首

健松篇爲方渭仁賦

題毛會侯戴笠垂竿圖用蘇東坡聚星堂雪
詩韻

題畫

憶鶴和葉九來

送羅弘載參湖南撫軍幕四首

送吳天章歸中條和阮亭先生韻二首

送王仲昭南歸二首

唐詩卷之六

題畫

贈李述脩前輩四首

贈梅耦長次愚山韻

贈商志

南州草堂集卷六

吳江徐 鈞雷發著

詩彙

古今體

自戊午六月至己未十月止計四十七首

應 詔入都呈司農公二首

煙雨常思笠澤灘
徵書忽枉到漁竿
破琴欲擊嗟
桐爨短策曾羞笑
籜冠上駟誰能過
郭隗寸心只
欲擬任安
從今自合雕籠住
且向車茵一醉彈
蘆中竈下感恩私
豈有才名

聖主知薦達
已慙司馬賦
飢驅猶誦杜陵詩
絳紗入座晴雲迴
紅豆當歌晝漏遲
欲向上林誇羽獵

鷓鴣敢借萬年枝

上學士陳說巖先生二首

滿空韶濩響雲門始信文章學士尊窮理直能崇
泰岱說書真欲倒河源憂時早爲蒼生切前席時
傳帝語溫會見夔龍能接武多公今日整乾坤
影逼花塲過玉墀沙隄咫尺想丰姿英視直吟
偏早崇政橫經出每運八代文章能獨挽六朝詞
賦豈堪師榜材願作班中筍慙媿衰桃照水時

哭葉元禮舍人和棠郵公韻二首

洗馬丰神庾信才金門纔向日邊開久知善病緣
消渴詎意脩文罷舉杯鵬鳥賦成悲寂莫紫驢嘶

斷感虺隤黃公墟畔重回首曾共燕山醉幾回

金尊檀板數綢繆往事空思似水流紅藥乍翻吟

北闕青春早喪哭西州時元禮方喪中書舍人哀情舊注江

南賦元禮注哀江南賦未成佳句終歸文選樓腸斷汾湖餘

四壁鶴歸應自怨清秋

九日同晉江黃俞邵會稽羅弘賦并荆江

辰六黃山江夢得黑窰廠登高歸飲夢

得寓齋同賦

眼前好景重陽節羸馬難尋郭隗臺碣石晴雲宮

樹迴燕山積翠鳳城開淡杯坐惜持螯曾短髮羞

稱獻賦才歸步天街涼似水月明清露滿高槐

刺梅園古松

叢祠野蔓合鐵榦老郊扃不受秦封爵羞窺漢戶
庭拂霜淒鶴唳壓霧帶龍腥媿殺支離叟相看眼
倍青

送范廉夫之岳州軍前

薊門柳色慘離情遙逐征南賦遠行雲盡水連麋
子國月明人到楚王城鶯啼戰後方投甲帆鎖長
江未罷兵幕府早知工草檄君才不異棄繻生
席上送謝方山比部假歸遷葬五首

燕山十子傳詩畧翡翠蘭苕未可輕紅藥偏稱才
思好一時低首謝宣城

故相祠堂枕夕煙君歸料理到牛眠一堆羊虎蒼涼甚寒雨松楸冷墓田

酒香易水按歌時愛我新詞唱竹枝偶脫朝衫整歸棹鱸魚那不繫人思

法曹筵上興偏長詞客相從解鷓鴣記擘霜柑今夜飲好教清夢惱回腸

騎驄踏雪長安市破帽蒙頭畏客欺歸夢未尋君又去南來泥自阻潘尼

時談次耕不至故云

送家牧仲比部推關贛州

文康公子天人儔小年入衛氣食牛期門羽獵跨紫騮手捫角弓臂雙鞬健如俊鵲摩高秋無何一

麾守黃州臨舉亭北餘荒丘雪堂遺迹窮冥搜使
君吟嘯登竹樓座中賓客俱風流入從京洛鳴華
騶橫江赤嶼空悠悠余時策蹇來蘆溝燕山雪色
寒鶴裘天街月黑風蕭颼旗亭畫壁相倡酬酒酣
不畏金吾收此事年已六七周今更逢君記憶不
君今弭節章江遊廬山九疊青煙浮潯陽蘆荻眠
沙鷗吁嗟四海困詩求西南用兵紛鑿兜越裳翡
翠行相謀君從信客發行爲鬱孤臺邊擁碧油梅
花庾嶺豁雙眸珠蘭末鹿清且幽翠衿小鳥鳴啾
啾臥聞官閣消旅愁牙籤萬軸手校讐日南海舶
齊歌謠爲君再倒甕頭籌

送黃俞邵聞訃歸白門

非爲浮名誤徵書出處難半綸猶未縮總帳已空
寒白下烏棲樹燕山雪滿鞍麻衣朝夕淚知爾不
曾乾

壽益都相公四首

十年黃紙詔親承佳氣初看仗外凝被臘小紅花
似錦空春重碧酒如澠買魚畱客鴉翎鈔得句裁
詩鳳尾綾埽閣定知行處有多公吐握幾人曾

清時元老喜和衷啓沃真能弼 聖聰未許琴尊

閒白傅且教絲管醉襄公千年魯殿靈光異九服
山川泰岱崇舞却兩階干羽罷百蠻烽靖挂雕弓

駝峰法醞啓芳尊，闕殿猶傳帝語溫。
階下回陽調鼎鉉，袖中鍊石補乾坤。
得收猿臂曾回席，未遇枯桐盡在門。
醉臥車茵公莫怪，平津閣上有酬恩。
袞衣添線佐垂裳，紺雪初回辟穀方。
不見吳牛驚喘月，唯餘仙鯉落扶桑。
槐廳鶴夢思鷗鷺，花院鷄笙炙鳳皇。
萬柳堂前煙水闊，蕭疎不似午橋莊。

總憲魏環極先生召飲席上賦呈

烏府只容旋馬地，雷賓歎黍雜蒸梨。
浮名似葉葑章重，直節如山岱岳低。
一德早能誇魏相，四知端不負關西。
挽回詎止蒼生望，下士猶思荷品題。

書司農公圃子二十韻

曳履星辰近持籌國計接轉輸四海亟經濟一身
擔望自崇河北名猶挂斗南羊城回虎節鳳闕歷
桃驂已貢炎洲葛仍來閩海蚶鄴疾真足竝劉晏
豈能堪騰飽三軍藉儲胥六府諳退朝聽玉筵支
枕對晴嵐席上參軍舞尊前麈尾談簾開巢翡翠
草綠襯空男雪壓梅初萼霜酣柳未甦橫枝棲越
鳥劈繭寫吳蠶檀板拋紅豆牙籤拂素蟬經傳白
鹿洞樹愛黑龍潭汲祕抽金簡搜奇剖石函棠邨
紅似錦蕉屋綠於藍畫識宣和譜庭甯海石楠黑
頭誇上相綠鬢領朝參顧鈕恩猶切操觚志獨慙
沙隄應早築麟閣倚驂驪

送人之任安邑

匹馬層冰合河源絕塞流殘碑暮碧落雙勒愛銀
鉤廳壁松聲響階除草色幽葡萄春釀熟此外更
何求

贈高澹人二首

壯志勵雄文雕蟲悔難絕金峯蘭畹間偶學鶯弄
舌曲自奏紅鹽調非合白雪哀鴈壓穹蒼潛蛟泣
深穴何則雲中人顧我心早折願言託豪素耿耿
意難滅

浪迹江湖間秋風感搖落鸞鳳肯相期漁樵興常
託沙磧豈璠璣比他山錯躑躅叩金門忽聽釣

天樂參差引玉笙聲響振阿閣始知瓦釜鳴終焉
魏牛鐸

送人佐郡之黃州

一尊驪唱雨瀟瀟莫惜分符去路遙杜宇啼殘春
正曉吟詩好過綠楊橋

花朝前一日曹正子招同李天生孫豹人
鄧孝威尤悔菴彭羨門李岷瞻陳其年
汪舟次朱錫鬯李武曾王仲昭陸冰脩
沈融谷陸雲士楊六謙李渭清顧赤方
吳天章潘次耕董蒼水田髯淵吳星若
諸君讌集園亭二首

銜杯高會廣庭中雪後梁園授簡同獻賦敢勞逢
狗監投竿漫擬作漁翁隄邊嫩柳添新綠陌上飛
花印輭紅及此香醪春正好肯因鱸膾憶江東

苑杏蹊桃尚未逢曹家亭子好從容支牀色借珊

瑚映醉客光浮琥珀濃愛唱春颿思畫檝朗吟綠

水過芙蓉正于有綠水送春酒闌更向高臺望殘

雪西山第幾重閣有高臺時同諸公登眺望西山殘雪

健松篇爲方渭仁賦

燕山撲面沙滿天輭紅十丈車馬喧偶一摩挲豁
青眼慈仁寺內雙松前猶憐老榦俯朝市緇泥汚
染難洗前因之蛸縮臥不起蓬首垢耳髮連卷僦

居近與方干連方干大隱如神仙讀書欲讀禁中
祕揮毫落紙驅雲煙朝來寄我十椽箋索我爲作
健松篇聞君家住武強巔桐廬西去煙水偏勺圃
蕉林達桑苧秋琴閣下鳴秋蟬君家先子真名賢
荀陳耆舊人爭傳穿池架壑雜梧竹龍鱗手種將
忘年松鍼五粒苔蘚澀霜皮剝落蛟螭懸忽然盜
起閩海邊鳴狐篝火少晏眠遂安城中三萬戶冷
煙劫火哀啼鵲叢柯喬木樵采盡此松獨似靈光
然吁嗟乎長安甲第多屢遷平泉花木無百年非
君世澤烏能延秦時之松漢寢柏庶幾與爾相周
旋

青房亭集卷之六
七
題毛會侯戴笠垂竿圖用蘇東坡聚星堂
雪詩韻

嚴陵灘畔堆紅葉一片蘆花白於雪中有羊裘把
釣竿處士高風千載絕我亦浮家笠澤傍得魚穿
鱖柳條折船頭撒網船尾搖仰看明星耿欲滅奔
走殊方却十年飢驅數歎韶華擗君自懸魚烹小
鮮曾吞羅烏江毫纈忽薦雄文達帝前折腰束帶
豈堪屑絲綸垂下連六鼇轉眼升沈纔一瞥讓
我煙波老釣徒綠蓑青箬逢人說楓冷吳江歸
去來魚龍夜靜聞吹鐵

禁樹鶯啼向曉多，落紅成陣長新蘿。
江南山水空濛甚，柰此金臺柳色何。

憶鶴和葉九來

玉山佳處每思君，雙翅羞隨鴛鴦羣。
爲憶草堂閒放日，一聲清唳欲凌雲。

送羅弘載參湖南撫軍幕四首

燕山相送柳毵毵，回憶江南正浴蠶。
庾信鄉關蕭瑟甚，還從宅裏問羅含。

師門執別坐張燈，擊鉢題詩對酒曾。
愛汝紫額參幕好，日騎款段我何能。

翩翩書記下熊湘，不向金臺典鷓鴣。
莫怪朱絃彈

更絕從今仙樂洞庭張

桃花江上草萋萋
鈴閣風清日又低
醉劈蠻箋供
草檄巴陵一路子規啼

送吳天章歸中條和阮亭先生韻三首

薦達曾何補窮愁
累馬卿高人還舊隱
薄俗愛浮名
方朔羞垂棗
淳于解絕纓
爲憐去與住
惜別憎離情

煙蘿今縱絕
歸夢滯微官
爾去終南路
高舉薜荔寒
親朋戀杯酒
雞黍具盤餐
應笑金門侶
長嗟索光難

見而都相識
唯君真意存
亾羊嗟岐路
長掛賤屐

門半世憐漂泊千秋自討論瓦盆堪共擊歸去長
兒孫

送王仲昭南歸二首

段家橋下綠波長鴨嘴吳船返故鄉寄語巢青舊

同伴銜杯莫負好時光

仲昭與蓋思丹麓有巢青閣倡和詩

車茵久醉眠東閣束卷重爲荷耒耕閒却青綾與

薇省峭帆曉趁綠楊行

時仲昭榜中書舍人

題畫

燕南蘆北垂楊裏歸夢春時爲浴蠶重寫漁邨兼
蟹舍平湖如穀水拖藍

贈李述脩前輩四首

威鳳翥鸞坡芙蓉漾清沼翡翠與蘭茗各言紛所
好鍾期世所稀賞音以爲寶梧桐植高岡託根非
草草

草草上京國會無借一枝幸逢君子歡欣焉託酒
卮陳蕃榻旣下翦燭話移時猶喜朝參暇鳴珂響
參差

參差玉笙奏下直羅華簪別有巖桐響賞心聞素
琴朱絃更疎越玄鶴有清音網羅搜逸事裴回意
已淡

淡意復徜徉千秋志自勗蹊邊桃李花一一慰幽
獨世事豔朝菌紛馳非所欲澹懷思共君願言申

衷曲

贈梅耦長次愚山韻

下澤乘何益沙塵眼倦開披裘應獨釣擊筑偶然
來只子真能隱誰人解愛才市門原有約且莫問
金臺

贈商志

執別長安欲放歌西風衰草五原多子規啼斷千
山血精衛愁填瀚海波豪士屠簫休更問酒人琴
筑且相過南湖煙景虹亭月回憶鄉園柰爾何

南州草堂集卷七日錄

古今體詩

送李天生還山五百字

題童鹿遊聽松小照

孟冬五日偕宮聲舟次頌嘉暨家勝力兄集

石林寓齋小飲限鞠字韻

呈院長學士南陽先生

慕在玉招飲即事

羅弘載越辰六席上送何庭玉別駕之任常

州

二月二日集喬石林寓齋題陶雲湖白鴈圖

次吳文定匏菴先生原韻

送丁鴈水僉憲之任贛南二首

題溪風閣圖寄陶侶

和田子綸虞部移居詩

和棠邨公韻贈歌者邢郎

朝罷入直見御溝新水和其年韻

春日和其年韻

春暮雜憶和羨門韻四首

冒聞躬暨偕次耕行九同遊萬柳堂余以他

事未赴悵然有作

初夏雨後同公凱涓清秋濤遊豐臺成四絕

句

同其年渭清公凱允大刺梅園小飲

送錢越江假歸雲間

劉井柯亭二首

有序

擬行行重行行送陸盡思之汝南時令弟雲士爲郟縣令

王瑁湖出示悼亾詩題絕句二首

送田綸霞學使之任江南

憶昔行送江辰六之任益陽兼東羅弘載

送鈕玉樵之任項城

和東川韻贈悔齋移居四首

送梁次典之官泗水二首

送侯大年南歸二首

南州草堂集卷七

吳江徐 鈞電發著

詩彙

古今體

自己未十一月至庚申四月止計四十一首

送李天生還山五百字

抗志懷古人風俗日陵替真氣誰復存大雅亦難繼關中李先生詞源有根柢象罔屬搜羅窮徹天人際六經與子史糠粃盡揚厲精意抉幽微潛心豁蒙蔽指畫畫山川抵掌關大計王侯將相問爭願爲擁篲盛名達至尊徵書下庭砌先生適高臥奉母斫魚鱖捧檄自沈吟牽裾忘攬袂幕府具

蒲輪敦趨赴燕薊金臺正嗟峨羣公誇巨麗買駿
自隗始奔走盡英銳待詔金馬門早裂芟荷製彈
冠喜故人先生獨掉臂濡翰賦彤庭金聲擲於地
簡拔置鸞坡讀書發中祕 帝念勝國史編纂詎
能廢有明三百年傳記復誰識盛時如日中漢唐
差可擬迄乎嘉隆還衰颯當晚季鉤黨兼盜賊水
火爭赤幟大廈已將傾陽九復安避皇皇我 世
祖廓清埽氛翳簪筆屬詞臣爾等勸補綴勒成一
代書鑿觀頗不細同時拜休命咸願攜素志先生
著作才庶幾起凡例齧指忽心痛烏烏灑涕淚伏
闕再上書終養遽難遂封奏假密陳爾乃達於

帝當宁雖動容小臣魄猶悸
詔許歸華山拂衣
旋整轡供張長安門祖別攀車
轉唯余固陋委同
譜參末契角藝媿雕蟲在再歎
虛歲聯步入西清
忝竊斯所畏君今歸草堂萊綵
畫堪戲板輿侍母
遊鸞鶴當窗唳爲君出處籌終
空圖大勢天王今
聖明西南屬有事秦關百二雄
根本實維繫劔道
猶未通蠶叢亦久閉蠶爨通
天誅民力甚凋敝豈
不痛蒼生胡可裁薜荔將母
并事君忠孝非二致
令伯昔陳情毋乃風末世何須
學二疏早自遺榮
利君家有鄴侯芳軌庶應嗣

題童鹿遊聽松小照

橫襟露頂坐沈吟一片濤聲洗夕陰疑向响巖碑

下住羸他屈玉與垂金

前人作李斯小篆贊云叙頭屈玉鼎足垂金鹿遊工

篆刻故云

孟冬五日偕宮聲舟次頌嘉暨家勝力兄

集石林寓齋小飲限鞠字韻

微霜薄庭除晴霧籠朝旭寒鴉過苑牆朝罷想休
沐閣戶祕珠宮怪鷓鴣殘碑臥牆陰落葉疑
蓬谷索光恆苦飢誰人解幽獨好爰忽相招得飲
快所欲亟命巾車麥入門把叢菊斐几竹榻邊茶
錫湘簾曲圖史架上陳差強牛背讀賦字怕生疎
詩句嫌慣熟雅志薄風騷高懷洗齷齪同時三四

人相對無拘束嘉猷薦五簋家釀傾十斛據案
臬盧葛巾不用漉錢子發雄談慷慨漸離筮曹公
氣疎闊爲我豁煩促橫槩仍賦謔哀音比憂玉狂
態遜汪倫蝨弧共爭逐論文口談嘲白眼笑家督
主人喬石林頽然唯捫腹新月挂銀鉤垂簾燒短
燭街鼓正統統猶覓觥船覆潦倒步前楹歸路嗤
僮僕萬事等浮雲世情嗟轉轂不飲竟何爲雙鬢
豈終綠

呈院長學士南陽先生

雲深霧障塞崇巖璞渾孰辨玉與珉樛材擁腫竹
箭美不有哲匠安能芟崑山夫子格非凡頽波綺

靡悉所剗前耀班馬後歐柳朝換金匱暮石函綸
扉數語天顏動每隨祕殿立松杉花塼影過蓮
炬直佇調鼎鼎和鹹酸河汾絕學雅能繼直崇海
岳非巉岳蛾眉窈窕自脩飾問奇欲負青藤緘尺
硃再得錘鑪造萬馬竝受羈與銜始知衆物各有
主駑駘媿煞無能驂寸心感激矢難盡翻從乳燕
學呢喃

慕在玉招飲卽事

下直逢佳讌還從款段騎宮鴉寒色淺梅蕊放香
遲佩向金魚解吟教白雪隨諸公饒逸興把酒覆
殘碁

羅弘載越辰六席上送何庭玉別駕之任

常州

征輪初動獨離愁且喜從君話舊遊羅隱文章猶

落魄

謂弘載

江淹詞賦漫淹畱

謂辰六

寒帷幸得遲耕

犢佐郡終堪狎水鷗罨畫溪山殊不惡好攜蠻榼
俯江流

二月二日集喬石林寓齋題陶雲湖白鴈

圖次文定匏菴先生原韻

鷗眠鷺浴此地無黃塵滾滾迷燕都紅爐照閣香
霧暖銀屏索酒豪氣粗已判殘醉朝來扶得臬奪
雉羣相呼座中抵掌發雄論揆幽扶奧窮潛夫柳

條嫩色黃金塗江花未放塞草枯談詩促席揮麈
尾披裘猶自著短狐主人急喚兩奚奴試展陶君
白鴈圖捷書時從巴蜀至鏡歌競奏揚獻俘唯余
只愛酒家胡得毋身是高陽徒宮鴉點樹寒色淺
不如煙艇江南徂起看雙鴈樓素練垂翅直欲凌
天吳諸公洗琰更淡酌媿負朝簪非故吾吾今曷
賦歸來乎

送丁鴈水僉憲之任廣南二首

鄴中丁掾舊風流弭節今看擁上游江介休兵先
撫字虔南問俗省征求紅蕉露洗枕榔樹翠羽船
移杜若洲近喜蠻天烽火熄月明清嘯好登樓

章江水漲曉揚舫春滿廬山九疊屏朱鷺晴翻千
騎出阜鵬雲落片帆停休憐飄曲尊前唱却喜鷺
啼戰後聽部內儻逢高隱在奉帷應訪少微星

題溪風閣圖寄陶侶

遠山積翠蛾眉彎清溪斜繞螺髻環渚清沙白樹
蒙密石根水蝕苔痕斑板橋遙映平湖闊蒼崖倒
插澄波間山腰出雲迷曉霧鳥鳴箒篠聲緝蠻橙
林叢中露草閣宛如瀛島闕瓊閣中主人發長
嘯松風夜吼鳴潺湲狂奴素有煙霞癖對之不覺
怡心顏京華輒紅塵十丈何時青鞋布韞相躋攀
吁嗟乎何時青鞋布韞相躋攀與爾溪邊共往還

和田子綸虞部移居詩

縹緗萬軸堆牛車田光先生今移家
檐牙骨網短籬缺畏人匿迹招麋
麋日高臥起卷簾幔攤書坐
愛蠶排衙凍樹垂雲天潑墨古
煙燒爨屋欹斜苦吟徧畫烏皮
几筆端夜夢江郎花纔放朝
參便休沐雙鬟擁髻青於鴉
酒酣更脫金魚佩逢逢鼙鼓
手頻撾長風直欲吹闔闔何
須鍊石思女媧

和棠邨公韻贈歌者邢郎

紅兒雪面小蠻身水剪雙眸好
駐春愁殺香消酒冷後折花應
喚玉爲人

朝罷入直見御溝新水和其年韻

禁城沙暖草如茵，吹轉東風柳色新。
綠襯苔錢斑石甃，紅流花瓣點鮮鱗。
編年敢忘閒居日，載筆徒慙致主身。
多恐煙波生太液，投竿應羨早收緝。

春日和其年韻

搓得鵝黃上柳條，檐前鶯語似相邀。
宦情澹處攤書臥，歸夢牽時貰酒澆。
青史紛紜勞竹簡，綠窗寂寞聽簫子。
鱗出水櫻桃熟，轉憶漁人洞口招。

春暮雜憶和羨門韻四首

爲愛平居戀物華，鱸鄉亭畔水無涯。
而今寂寞東風裏，閒殺溪頭一樹花。

白龍橋北太湖西，八測蒲帆幅幅齊。
記得江鄉逢

冷節落紅飛燕早銜泥
鶯花入眼總關愁
細雨斜陽又麥秋
何似簪裾早
拋却撈蝦網
鯁到溪頭

女蠶新浴筍抽時
蘭漿橫塘處處空
況有辛夸花
滿塢此中領畧更畱誰

冒聞躬暨借次耕行九同遊萬柳堂余以
他事未赴悵然有作

煙柳千條跪地長
風吹曾挽紫絲韉
歡遊未得陪
蠻榼笑殺團曹有底忙

初夏雨後同公凱涓清秋濤遊豐臺成四

絕句

大好清和四月天 帝京風物景悠然更逢新雨
空行樂急脫朝衫當酒錢

燕蹴香泥墮錦茵同騎款段鬪閒身一彎濃綠千
株柳消得東華爾許塵

迎人郭外吹邨水榭初開面面窗妒殺新蒲沿
兩岸一闌花鴨似春江

十里豐臺紅芍藥輾輪都爲看花畱滿筐摘得城
中賣較是花田勝麥秋

同其年涓清公凱允大刺梅園小飲

朝來抱微疴偃臥情不憚好爰忽入門招往城南
陌聯袂駕巾車攜壺還岸幘野花馥幽香野鳥鳴

磔格同遊四五人，豪吟興轉劇吾輩。本狂生既受
朝簪，迫猶縛檻上猿蜩，縮憐跼踏良辰，偶作達暫
慰煙霞癖。盤礴踞老松，拂地不盈尺。霧鬣帶龍腥，
霜皮映薜碧。橫枝更倔強，不遭雷火劈。我欲借松
濤，翻然振六翮。爲作汗漫遊，清風生兩腋。因念冢
中人，俯仰悲陳迹。不飲亦徒然，白日如過隙。請酤
易水春，去買灤州鮑。明日復同來，重穿幾緗屐。

送錢越江假歸雲間

鶯殘燕乳棗花香，取次青門送夕陽。蘸月幾番同
耳筆，當歌今又醉離觴。尊絲偶薦鱸魚膾，宮錦休
裁薜荔裳。懊惱九峰露屐齒，烏紗白葛趁新涼。

劉井柯亭二首

翰林院中舊有柯亭劉井井爲劉文安
定之所鑿柯亭學士潛手植二柏造瀛洲
亭以臨之李西涯所云我行樹下日千
匝是也今遺迹尚存余同館尤悔菴爲
賦二律依韻和之

誰鑿清泉玉井寒風流尚自想文安
披書倦後曾烹茗視草回時獨倚闌
脈近御溝常曲澗源通海眼未曾乾
螯龍待取成飛躍及物何愁霖雨難
蚪枝屈曲拂檐來小築疎櫺近日開
不向瀛洲迷島嶼偏依宮樹照亭臺
乘時已覩風雲會濟世猶

餘梁棟材最億長沙李懷麓鷓鴣飛處幾時回

擬行行重行行送陸蓋思之汝南時令弟

雲士爲郟縣令

行行重行行送子天邊發炎歎久鬱蒸乍逢涼雨
歇沙際見冥鴻微雲挂新月垂垂青門柳蕭疎不
忍折子行渡桑乾凌風向武陟汝南山水清洗耳
泉更潔攀緣小峨眉形勢轉律率愁猿聞夜中後
懊名鳥啼不微愛弟喜彈琴繁花紛可纈池塘草正
生佳晨興凌越伊余微尚違黽勉事金闕何時遂
初衣與子掇薇蕨

王習湖出示悼亡詩題絕句二首

紈扇凝香未及秋鏡奩空掩玉搔頭海天歸去魂
難返夢繞層城十二樓

簪花妙格寫烏絲繡佛曾傳幼婦詞吹徹天風環
佩冷惟餘荀令斷腸詩

送田綸霞學使之任江南

濟南山水清往往富文彥有明全盛時邊李聲華
擅讀書必先秦早入藝林選才力甚縱橫駑駘不
敢羨柰何百年來寡陋嘗自銜餽曾與空疎真氣
不復見近世起詞壇新城始一變謂允亭先生力能排
偽體追埽如擊電同郡唯田君角藝無後先把酒
恣雄談論文互稱善吐辭實瑰奇簡略性高狷十

年在郎省盛名走畿甸昭代思著作羣公喜攀踐
昨歲詭移居笨車裝破硯蕭然四壁間圖史堆滿
案側帽自吟唔檐花落如霰竭來主文衡召對明
光殿親受 聖主知不勞狗監薦 特簡到江南
羣情悉欣願文起六朝衰盤剔祛習玩投士或餘
暇置酒張高宴繼堆洞庭實膾所鱸魚饌著屐更
登山大江如匹練兩行立小史脩塵染兔翰憐余
困陋質被 詔預編纂年來結同心日吟詩自遣
索光媿無錢賒酒只書券有時招共飲笑語雜諧
諺君今秉節去猶若當暑扇庶士被和風化育類
吹萬西南將罷兵四海冀寧奠禮樂方議興文教

日中煥以茲佐 盛朝終倚 主恩眷

憶昔行送江辰六之任益湯兼東羅弘載

憶昔征車來紫陌與君同作長安客把臂相歡意
顛倒蕭寺逢迎無促戚朱提賜出天府金日飽太
倉光一粒江東羅顙氣正豪擊鉢聯吟醉書壁臙
殘凍雪澆濁醪袖出黃柑手親擘明年獻賦太和
殿而我三人同載筆我誠忝竊君拂衣此心原不
負車笠羅顙參幕去熊湘時弘載入
韓撫軍幕君向酒盞還
岸幘每逢得失話升沈襟期磊落開胷臆目今滇
黔將蕩平 聖主求賢方側席急須循吏撫殘黎
君幸彈冠仍捧檄黃陵苦竹煙雨淡稍喜年來烽

火熄桃花江岸子規啼
馴雉朝飛藏秀麥問俗重
尋岳麓碑行春遙過賈生宅
且從宓子事彈琴漫
學陶潛歸種秫君才於世無
不宐治行終當推第一
一奏最何勞歲月淡行見鋒車
早晚出儻從軍府
遇羅顙爲道相思憶疇昔

送鈕玉樵之任項城

昔我乘北風跨驢燕山北
蹙蹙長安道時時憂偏
仄市上忽逢君握手話疇昔
生來同里閭悵未得
朝夕反得從異鄉土銜接雙
鬚自此意氣親把酒
恣歡暱余幸隨徵車獻賦承
明側君方罷棘闈痛
哭劉蕢策驂駟不得騁未遂
看花陌踴翹下九霄

知己咸太息我家兩叔父稱道尤噴噴美玉不自
衒抱璞竟何益秋冷蒹葭霜露寒楓葉赤君時過
我寓含意吐眉鬢擬從宋玉遊再弄章江笛人事
多推遷挂帆亦終隔時宋牧仲欲邀至
潁州以事不果所幸兩年
來時得攀遊屐我既媿乘車君亦忘戴笠翦燭淡
夜談談諧興逾劇我嫌方朔飢索光無朝食君爲
拊掌笑五斗余亦得果然試折腰雙鳧旋捧檄行
行渡黃河直走大梁城竹馬知誼迎野老手加額
莫笑一書生吏治本經術方今困征輸歲荒賴撫
輯君能追召父民便安衽席爲政有餘閒高吟還
岸幘花滿孝王臺月明項子國儻然遇秋風應念

金門客

和東川韻贈梅齋移居四首

結屋無人問牽船事更難
虛懷慙珥筆雅志負垂竿
休沐唯耽酒閒吟獨倚闌
羊求儻許過乘興一盤桓

梁燕泥方熟蠶衙喜共尋
支牀真欲爲肥殘不辭
淡茗椀分泉洗僧花助客吟
故園叢菊在我意待抽簪

看山思拄笏下直卷湘簾
小閣拋歌扇疎窗愛典籤
摹碑方鐵畫琢句鄙香奩
健翻無勞借游魚志恐涸

戶內無丘壑，胷藏五岳圖。茶瓜畱孔晝，琴筑是燕
都。宛轉腸空折，惜騰病欲蘇。待逢三五夕，攜手醉
庭隅。

送梁次典之官泗水二首

送爾單車去，天寒露氣淒。霜風魯道側，落日孔林
西。騎竹兒童繞，垂簾鳥雀啼。彈琴多暇日，清磬欲
相攜。

楷樹濃陰合，名泉泗水流。一犁乘夜雨，匹馬正清
秋。縣近靈光殿，山連太白樓。桑麻行早課，飛鳥到
皇州。

送侯大年南歸

苑柳蕭疎起禁煙
離尊共醉夕陽天
無端癡骨朝衫裏
閒却江邊舊釣船

誰念金門索光身
唯君相對獨情親
片帆今向五湖去
好奇秋風故國莼

南州草堂集卷八

古今體詩

奉和院長南陽先生用東坡清虛堂韻

林院壁

八月晦日

上駐瀛臺 賜藕恭紀

月夜涓清義山過寓齋對菊小飲分賦二首

九日黑龍潭小集次峨嶺韻

雪後陪益都公飲祝氏園林奉和原韻四首

十月十九日益都公招遊王司馬怡園奉和

原韻四首

雪後下直望西苑

卽席呈健菴叔

題文待詔雪景送高念東侍郎歸淄川

惜書和庸亭韻

寓齋守歲大司寇環極魏公以酒果見餉賦

此志謝

庚申除夕和棠邨公韻

辛酉元旦早朝卽事

二月八日偶過萬柳堂和益都公韻

題山陰王氏草閣

寄兗州太守許竹隱先生

送道冲南歸二首

峨嵋新齋雨後小飲同宮聲次耕公凱賦

上巳萬柳堂讌集奉和益都公韻二首

寓舍對花歌和院長南陽先生韻

送春日愚山招同闈公其年次耕小飲再疊

前韻

奉東泌陽令雷笏山先生二首

渭清招同宗五飲寓齋絳桃花下

李映碧廷尉八十賦贈二首

奉寄閩中吳階郵撫軍二首

奉寄柏鄉魏貞菴相公

題畫送毛允大

七月二十一日

上御瀛臺 召滿漢大臣翰詹科道及部寺五品

以上官員 特賜筵宴兼 頒綵幣有差

恭賦紀 恩詩四首

有序

重陽日陪院長南陽先生長椿寺小坐竟日

奉和原韻

重陽後一日集長椿寺送毛行九南還奉和

益都公原韻二首

送趙雷文樞關揚州

冬夜次耕勝力小飲寓齋和次耕韻

喜漢槎入關和健菴叔韻

送喬石林拔士粵西二首

題畫贈漢槎

送陸翼王南還

送于子先學使之任粵東

送張敦復學士 賜假歸葬

上巳禹柳堂脩禊和益都公韻二首

送江眉瞻之任柳州

送蔣莘田前輩之任粵東

題聽泉圖

爲高澹人題 賜榴圖

奉送益都公致政歸里

南州草堂集卷八

吳江徐 鈞電

詩豪

古今體

自庚申五月至壬戌八月止計六十八首

奉和院長南陽先生用東坡清虛堂韻題

翰林院壁

大道蕪沒淪泥沙衆蟻穴鬪蠹排衙南陽先生挽
一髮屹如春後存孤花天根月窟窮奧眇異同直
欲鉏諸家飢鳳猶愁竹實萎何況衰柳啼寒鴉先
生閉門事幽討生意活潑紛庭葩揚雄齷齪荀卿
歿直追孔孟爲搜爬晨趨講殿資啓沃大官日給

蘇州雜俎卷八
龍團茶扣如洪鐘不可竭誰能鼙鼓頻頻搥楷模
一代豈易覲吾黨之士毋吝嗟自慙樗散負雕琢
此生痼疾唯煙霞

八月晦日

上駐瀛臺 賜藕恭紀

太液風翻水殿涼 恩頒碧藕自銀塘喜香瓊骨
堆盤冷轉憶紅衣墮粉香顧兔重逢生桂樹時中
間牽絲未斷出蓮房餐來頓解相如渴殊勝金莖
露一嘗

月夜涓清義山過寓齋對菊小飲分賦

纔過茱萸節風高露氣清好花應共賞世事總忘

情嫩愛黃芽菜香憐碧澗羹喜逢休沐日聊作野
人行

慙媿霑微祿蹉跎少倡酬寒香兼晚節佳句勝清
秋燈火消良夜風霜感敝裘醉吟叢菊下明月恰
當頭

九日黑龍潭小集次峨嵋韻

楓林色微炙佳節數重九逢人畏近名未敢便開
口采采憶東籬欲隨元亮走侏儒爭匿笑汝甕寡
餼糗蕭颯縛朝衫形神何抖擻頰首聽此言嗚嗚
但擊缶解我茱萸囊佩我雙瓊玖屈伸天地間變
幻亦常有偶然思作達臨事焉能苟霜酣菊正黃

況復聚良爻選勝唯郊原尋幽邈先後前月閨中
秋聯轡西山阜叢桂香初殘橙橘尚未剖倏忽經
兩旬流光真覺陡人生能幾何那不念衰醜世事
如浮雲白衣化蒼狗烏帽觸西風網羅安足守相
將築糟丘荷畚到林藪不羨龍山高頗喜龍潭黝
升沈豈殊理蠖伏唯蝻蠃楓老更啣胥腹空榦不
朽秦壇環周遭樹齊空翦非破廟當中央蝸壁粘
科斗荒冢旣摧頽山鬼滋鬱怱煙蘿圍怪石宛覩
蒼顛叟蕪穢歎未除馬勃雜牛溲陂陀榛莽間烏
雀羣歡毆智井被石闌藤纏械繫柅振步凌崇臺
野景自奔趣宮闕麗晴雲目招紛衆誘延緣陟層

岡徑窄枝挂肘牆角厚莓苔碑陰剝龜紐麒麟窟
空廊狐兔互儕偶忽逢數酒人攀捫迭馳揉試詢
泉下客得似吾徒否持螯興愈酣割炙氣赳赳
船映窗櫺泥飲竟濡首劃然長嘯聞石破蛟龍吼
乾坤爲幕庭日月當戶牖聳身置雲霄纍纍盡培
塿神遊思弄筆肘後恐生柳大叫洗尊罍且復酌
吾酒縱有身後名何如杯在手一吸盡百川那顧
出而嘔酒狂任人呼敢喚童僕詎阮籍與屈原伊
誰辨某某矧從前輩遊猥云雜糅秀吟詩滿奚囊
聊以當敝帚鼠鬚染苔箋只足供覆瓿歸路任崎
嶇雙眼迷星斗天街月沈黑板扉夜澹扣滅燭臥

匡牀朝日下春日尊絲逼秋風竊祿詎能久難飽
太倉粟一醉已身受

雪後陪益都公飲祝氏園林奉和原韻四

首

尋遊思勝地物外得幽棲
拳石冰壺寢危樓雉堞
迷窗虛低檻折沙淨凍禽啼
更上高臺望蕭森樹
色齊

誰人成小築開徑喜能過
鴈齒分斜柱松釵側偃
柯水枯藏洞壑苔繡老藤蘿
況有東山屐何妨一
嘯歌

寒林巢鶴榻何處喚提壺
巖閉雲淡淡煙荒路有

無有行人久戀席散鳥羣呼歸路猶嫌滑蒼藜醉
欲扶

去天真尺五泉石迴清幽選勝因攀陟高談爲拍
浮雪消峰斷續觴盡客綢繆晴日重來此還堪散
旅愁

十月十九日益都公招遊王司馬怡園奉

和原韻四首

雪後陪良讌登臨慰夙心勝遊纔十日又喜得幽
尋木脫羣峰細霜濃衆壑陰林泉欣謝傅促柱聽
鳴琴

危廊通蘚磴傑閣俯高寒屈曲藤初架嶙峋石未

安天空聞靜籟峽束想奔湍屐齒須防折相看路

鬱蟠

車茵從客吐共勸酒如澆興自遺簪絨歡皆共爨

朋崇巖堪獨往沙路喜能澄春日常遊此題詩惜

未曾春日陪真定公暨高念東先生來遊此閣

振衣臨絕壁放鶴憶蘇耽日落銜丹壑雲歸變紫

嵐論文心倍切選勝與方酣珍重從遊者須知吾

道南有吾道在東南之句故云

雪後下直望西苑

芙蓉別殿擬蓬萊早應昌期瑞色開爭訝人間增

玉樹誰知天上有瓊臺殿宮日冷方披素龍壑初

潛未破雷遙憶翠華雷
澗處侍臣誰是柏梁才
時駕方幸南海子

卽席呈健菴叔

燕山雲樹晚煙籠
下直邀賓置驛通
投紵盡皆歸輦上
感恩一半出蘆中
藤緘祕笈書蟬白
影落花塼蓮炬紅
扶醉每思攜蠟屐
吟鞭踏雪苑牆東

題文待詔雪景送高念東侍郎歸淄川

高堂白日生晝寒
開卷急雪飛林巒
誰灑六花點冰壑
吳門待詔墨未乾
淄川侍郎鳳寶愛
摩挲把玩來長安
偶過蕉林恣幽賞
後生亦得相傳觀
侍郎雅好丹砂術
每從紫府招青鸞
銅鋪金馬常出

入廿年太液波瀾寬曾策蹇驢尋絕壁朝來脫屣
唯一官歸從東海披絹素雪淡且拂珊瑚竿

惜書和庸亭韻

顛顛文園黯自傷典衣今已到緜緜衰遲久欲甘
虛白瘦勁終須榻硬黃謾道神仙能作蠹翻令冰
雪早充腸牙籤數卷悲零亂賸有新詩貯錦囊

寓齋守歲大司寇環極魏公以酒果見餉

賦此志謝

作苒歲云除百憂中腸結養病未及瘳精力歎衰
竭名理味何窮奧義窺月窟希慕韓歐陽往古邁
遺烈冠蓋徒紛紜炙手似可熟雞肋笑微官雅操

勵冰雪賴讀古人書頗守固窮節偶然招同鄉聞

話舊山巖

時憲天耕守巖

酌酒烹伏雌辛盤細翦擷忽復

聞扣門餽貽枉前哲公誠間世姿置身卑與契清

風振斗杓孤懷揭日月函文媿未親慈惠良可悅

洗甌重斟酌開筍馨且冽嘉果薦冰盤殊勝洞庭

橘弱質憐萎黃無異霜後葉盎然被陽春桃花醺

兩頰何以答恩私微尚秉高潔

庚申除夕和棠邨公韻

棲遲拙宦病餘身藥裹茶鑰自結鄰吹破春風消

獸炭聽殘曉漏待雞人垂竿漫憶江湖客簪筆徒

慙侍從臣小飲屠蘇判盡醉明朝愁見鬢毛新

辛酉元旦早朝卽事

閭闔初開御氣通。條風又轉日華東。鸞笙縹緲聞

三殿。鳳輦紆回下兩宮。

時上朝兩宮後方受賀

白雉庭充懸

玉節。碧雞烽靖挂雕弓。

時滇中奏凱

小臣何幸瞻清化

只有長楊賦未工。

二月八日偶過萬柳堂和益都公韻

絲白縈青逼禁煙。同攙醉步草堂前。新來乳燕偏
多態。未放天桃劇可憐。好景難逢尋別墅。春風每
惜到華巖。破除歲月聊乘興。揮塵休談柏子禪。

題山陰王氏草閣

喜安小閣山陰道。茶竈還從別屋支。他日歸耕儻

有約與君更乞草堂貴

可永州太守許竹隱先生

五熊西去甘難攀騎吹遙連黑石關鄉夢早懸千
疊水宦情未破九疑山月明寓直愁偏集日晚濡
毫鬢欲斑最憶漫郎亭畔路竹雞啼煞訟庭閒

送道冲南歸二首

桃花水漲柳條新穀雨初晴上軟輪爲報金門索
光容秋風未至已思尊

猶記西湖芳草路老夫乘興欲顛狂爾曹自合攀
郝桂莫似渠儂有底忙

峨嵋新齋雨後小飲同宮聲次耕公凱賦

時雨蕩輕煙梁間燕新語幽卉弄芳姿給沐始延
佇良爻喜招尋汲泉茗葉煑紆回三徑傍細草迷
花嶼此中住復佳牖戶空寒暑疎簾看殘奕似泛
瀟湘渚短歌激微風流杯酌清醕心賞自茲適曠
懷渺何許

上巳萬柳堂讌集奉和益都公韻二首

野雲遺構不知年

元稹右丞別號野
真曾築萬柳堂

重結林塘此

地偏鴈齒橋分沙路狹鼠鬚筆倚石闌傳肯判乳
燕聲同澀未許衰桃色獨妍猶幸題詩乘上巳莫
教辜負草如煙

小白薦紅喜共偕暖煙遲日少陰霾已饒曲水回

波樂況有青州從事佳柳爲遣春聲似黛蒲因新
漲短於釵謝公屐齒偏能健多恐羣賢不易儕

寓舍對花歌和院長南陽先生韻

東華輒上塵十丈一春閉戶蓬蒿中生憎乳燕啼
華屋柳條無賴桃花紅御水遙添鴨頭綠江南景
色將無同細撚花枝數花萼巧妝締造非人工空
庭賴此幽賞慙土膏漸覺春泥融乍聽鶻簫短垣
隔只愁鷓鴣窺簾櫳流光在首鬢催雪對花豈惜
傾千鍾莫歎黠茵與墮溷得失由來屬寒翁但恐
飄零不自保那辭趁蝶兼隨蠹吁嗟植根苟非所
縱施膏沐誰爲容從來入宮始見如何如委巷常

相逢亂頭粗服乃佳耳妍媸詎敢較纖穠洪鈞幸
託滋灌溉不遺小草唯天公

送春日愚山招同闇公其年次耕小飲再

疊前韻

時其年方有
鼓盆之戚

長安遣春春風惡
泥車碾塵霾中
遙憶江南暖
晴日繁花著處
皆殷紅
銅鼓乍聞捷音至
輪蹄正
爾車書同欲隨
造化巧妝飾
雕鏤物態思
良工索
荒只嫌酒價貴
閒尊便覺心神融
坐有陳郎貌
慘戚玉釵鈿
合悲房櫳
鹿車難挽錦機斷
可憐吾輩
為情鍾
先生招飲解襟抱
澤蘭吟罷哀
頽翁舊日
單衫今更著
麻蕪望絕無
遊蠶泡影
山來此身是

露槐風葉駐衰容，白頭何必閨中歎。朱櫻並蒂原
難逢，玉面狸羹飮犀箸。老饕飽食忘枯穠，但得消
愁置清醪，不妨長醉如阮公。

奉東泌陽令雷笏山先生二首

少日曾逢青眼開，單衫濁酒屢遲回。濡毫媿起儒
臣草，馴雉猶傳仙令才。簾閣一琴耽晝寂，秋林
名千頃覓花栽。幾番回憶虹亭路，尚覺清歌入櫂
來。

山

笏山舊令吳江余幼時就
童子試曾受國士之日

甘載崎嶇百鍊身，可堪重浣釜中塵。主恩應眷循
良吏，臣節終爲強項人。種盡蹊桃仍似舊，奕殘碁
局不嫌新政成。直待棠陰徧鄉思，無勞憶釣緡。

渭清招同宗五飲寓齋絳桃花下

儵然下直對清暉
槐樹陰濃紫燕飛
花簞每除張錦瑟
酒鎗聊借典朝衣
早知人面還如昨
不夢江南也
合歸惹草繁煙渾似染
武陵當日是耶非

李映碧廷尉八十賦贈二首

曾傳諫草雪霜寒
高臥藜牀歲月寬
遜國褒忠昭日月
熙時耆德重林巒
攜來筇竹從蓮社
注就蟲魚戴鶡冠
爲問蓬萊水
淡淺摩挲銅狄幾
回看金鳧夜出野煙生
江左猶堪隱
召平賸有雄文傾
北海可無遺事紀
東京知交元祐傳
鉤黨弟子河汾負
盛名虎觀只今需
述作殘編老眼甚
縱橫

奉寄閩中吳雷邨撫軍二首

壯猷仍借重南荒
珥節勳名達建章
百戰梯航歸屬國
千羣油幕鎖降王
看花隊小榕陰合
下瀨船回荔浦長
自識撫綏關社稷
旋教洗甲課農桑
九龍亭榭俯山阿
每憶甘棠感慨多
問字舊曾橫絳帳
論兵今始枕雕戈
三山日麗明貂錦
百粵煙消散橐駝
爲問無諸臺上望
庾公清興更如何

奉寄柏鄉魏貞菴相公

兩朝元老濟時身
吐握偏能及隱淪
共道人來居馬廐
懸知客醉有車茵
傳經雅喜韋賢授
抗疏曾聞魏相頻
慙媿趨朝身較晚
埽門猶未到平津

題畫送毛允大

圓荷細麥繞輕風回首江南似夢中
除却輭紅塵十丈聽啼鶉鳩雨濛濛

七月二十一日

上御瀛臺 召滿漢大臣翰詹科道及部寺五品

以上官員 特賜筵宴兼 頒綵幣有

差恭賦紀 恩詩四首

有序

時維七月序屬新秋烏鵲方嶼 詔開

西苑銀蟾尚皎 賜宴瀛臺輦道飛花

魚龍出沒宮牆圍柳雉堞高低調珠勒

於銀塘驕嘶蹀躞放蘭橈於碧水霧隱

颿橋露濕瑤池冰樹與雲房俱冷涼生
玉樹風軒共月棟齊渾佳醕初傳蘭殺
乍設食蓬池之膾不羨江東嘗法醞之
尊渾忘下若分來蓮實搖珠露以猶圓
劈就藕絲含月華而難斷玉壺錯落頻
傾鸚鵡之杯翠鳥啁啾似叶鸞皇之管
金莖既挹渴解相如瓊液重斟醉同方
朔因而邀微風於丹壑無非九節菖蒲
凝遠睇於朱崖盡是三山芝草賞花垂
釣逸事堪追刈麥觀禾遺徽未邈臣猥
以不才恭逢盛典揮毫欲落久知夢

斷江花補袞難工徒媿
頒來蜀纈敬

歌魚藻仰荅
鴻庥難忘湛露之恩共

慶蓼蕭之會云爾

翠輦朝臨太液池祥雲多繞萬年枝看花
詔許

鷓鴣竝宴賞偏承雨露私緩放蘭橈波蕩漾驕嘶

玉勒影參差侍臣擬獻長楊賦簪筆先歌在藻詩

柳岸旌旗拂曉風轆轤聲轉近離宮鳥銜魚子衝

波白燕蹙蓮衣墜粉紅縹緲樓臺疑海上虛無簫

管出雲中鈞天一醉渾如夢猶識憂勤感

帝聰

銀河倒影瀉宮牆風送秋蘭綺席香花繞彤墀銜

瑞鹿雲間金陛立神羊 御廚黃帕羅珍膳 天
府霞杯進玉漿聞道昆明今奏凱兩階千羽有輝
光

千官侍宴擁蓬萊 宣賜遙看雉尾開貝錦裁成
龍負出鸞章織就鳳銜來佩聲欲逐煙雲散天路
猶聞笑語回竟日歡遊恩轉渥只憐未是馬卿才
重陽日陪院長南陽先生長椿寺小坐竟

日奉和原韻

無限登臨興籃輿竟日閒疎林藏佛寺清磬杳人
寰繞徑花仍細投空鳥乍還強扶紗帽住溪惜鬢
毛斑

重陽後一日集長椿寺送毛行九南還奉

和益都公原韻二首

重扶屐齒過秋堂
薜萄花香禮梵王
白鴈乍來逢九日
丹楓初老憶江鄉
久嘗世事羈心慣
欲話浮生旅夢長
蓮社偶尋諸品淨
謝公絲竹總難方
霜花摧鬢損離容
置酒殷勤慰別蹤
銀羽何能忘後鵲
點睛那復愛真龍
秋風醉向車茵吐
寒雨涼從笠澤逢
愁煞桑乾遲馬渡
回看雙闕冷芙蓉

送趙雷文推闕揚州四首

細草荒斜脰玉鉤
暮鴉蕭颯水東流
往時杜牧行處
今見清吟趙倚

年來紅藥地嘗徧索光猶如原憲貧最憶黃門辟
歸去欲憑煙雨話吳鉤

謂集卷也

君行正及蟹螯肥折盡長條四牡駢從此梅花長
東閣揚州詩興莫相違

隋隄春水半篙綠瓊觀繁花著眼紅汝到江船齊
拍手津亭今少石尤風

冬夜次耕勝力小飲寓齋和次耕韻

遲鈍甘衰拙羈棲似旅人攤書思自遣酌酒莫嫌
貧涉世交須澹忘形語漸真物情隨曲直吾意媿
斯民

喜漢槎入關和健菴叔韻

相思夜夜夢榆關翻怪相逢京雒間
鴈磧久羈添別恨烏頭未白慘離顏
廿年詞賦窮邊老萬里冰霜匹馬還
猶幸脫驂人有在與君握手淚潺湲

送喬石林校士粵西二首

使車一道賁炎荒太史新看出建章
五嶺搜奇羅翡翠百蠻問俗采桄榔
山雷禽鳥輻輳喚水護蛟龍屈曲藏
不是凌雲勞帝賞那教海外有文章

時石林獻賦
淡蒙 主知

都亭惜別意遲遲粵嶠今傳桂一枝
鈎鈎潭空雲似墨鷓鴣聲急雨如絲
喜看烽燧全消日正是珊瑚欲網時
莫向龍城弔司戶論文先到柳侯祠

題畫贈漢槎

松花江接海雲迷不盡蒼林萬仞低
遷客喜歸談絕塞憑君爲畫小烏稽

寧古有大烏稽小烏稽卽黑松林也

送陸翼王南還

窮年采輯事冥搜坐破繩牀已白頭
結客每思隨擊筑依人猶自賦登樓
興來欲入雞豚社老去誰憐薜荔秋
註就遺經藏複壁好從百氏辨源流

送于子先學使之任粵東

送君花發過羅浮倚權春從萬里流
乍喜文星辭浙水又傳使節到炎州
搜奇欲覓珊瑚網攬勝重登翡翠樓
知有蠻花能醉客不妨都向句中收

送張敦復學士 賜假歸葬

拜命初辭尺五天，風流猶覺隱花磚。
清時欲著還山屐，寒食先分禁柳煙。
佳氣正臨來鶴弔，春風到處識牛眠。
須知聖主虛前席，莫戀楓香秋樹邊。

上巳萬柳堂脩禊和益都公韻二首

重過林塘一徑幽，數聲鶯鷓鳥相求。
花間權返思蘭渚，原畔煙含似樂遊。
風掠柳絲隨上下，雨霑屐齒足淹留。
年年此地逢脩禊，不憶江南紅蓼洲。
每傳高會惜飛觴，謝傅還來舊草堂。
潑火新分燒翠杓，輕煙斜抹冷銀塘。
欲隨杖履陪東閣，爲抱琴尊過石梁。
遮莫春光餘澹沲，只疑微雨近瀟湘。

送江眉瞻之任柳州

開徧棠梨雨後天紅亭悵別柳含煙江淹自昔稱
能賦劉寵何曾愛一錢臥閣喜看藤樹峽行春先
上鬱林船羅池祠畔重回首記取蠻方佩犢年

送蔣莘田前輩之任粵東

攜來絳節五雲中璫瑁城開棨戟雄香滿花田晴
雨濕春溪庾嶺瘴煙空塞帷雅喜枕榔綠醉客能
消荔子紅他日鮑宣還再入羊城爭擁舊花驄

題聽泉圖

乞得廬山第一泉曾分新火入林煎披襟對此真
幽絕轉憶松風頂上眠

為高澹人題 賜樞圖

安石榴從上苑栽珠駢玉瑩倚雲開
晶盤帶露承恩澤消得黃荃妙手來

敷榮幸傍紫宸居素粒新霑珥筆餘
不是至尊親摘賜還將臣渴比相如

奉送益都公致政歸里四首

乞歸屢疏謝簪纓業致昇平退始輕
一代勛名堪鼎勒兩朝耆德踐鷗盟
欲從東壑彈碁臥閒傍香山倚杖行
回憶細旂資啓沃去留真自感 皇情

公引年疏凡
屢上始得請

四海銷兵當此日清時疏傅喜還山
妖氛已藉除

三孽密語曾聞動 帝顏宇內姓名童子習壺中

歲月老臣閒蓬瀛 詔許身親入記取流觴水一

灣公謝政後上特召遊西苑遣內侍扶掖置酒流觴曲水處令公小憩暢飲

泉名熏冶盡紅葉歸倚蘭橈泛碧虛政事堂前初

罷直平津閣上自攤書商巖霖雨真堪羨韋曲風

流總未如蓮社記曾陪展齒招提幾次昇籃輿於公

生口禮佛每攜及門諸子遊長椿寺

喜從絲竹鬪身強正值霜催一葉黃酒餞青門思

埽閣烏啼白下惱回腸時余亦移疾將歸江南 慙尋芝草千

巖雨閒拂春風萬柳堂歸臥江邨艱藥裹應憐夢

到午橋莊